

# ثابرات ن ياعقوب

## أسدچم

1 **1** ياعقوب، اسمع ن آرئي ذ سيذي يشو لمسيح، انعاش ن ثقبّر نئي امطاراشن: مليمخ خام.

### ثاقدچبت ن لايمان ذ اغكوان

<sup>2</sup> اؤمائن، مارا اذ خام كن اطاس ن اغكوان، حسبم مان ايا مارا ذ رفراحت. اقا كنيو نسنم بلي ثاقدچبت ن لايمان نوم اذ ذ نج صبار،<sup>4</sup> ماشا انخص صبار اذ اتواكمر جيما اذ تاوضم و اذ نكمرم و شا وار كنيو انخصي والو.<sup>5</sup> مارا شان اجن زانوم تقيم اس عاذ ثيغيث، اذ ت اتار زي آرئي وتي ايتيشن س ثشريمث ا مارا نبرا ازوار.<sup>6</sup> ماشا اذ اتار س لايمان، نبرا اشكي، مينزي وتي اشكان اقا نتا ام ايشن ن زموجت ذي ربحار، نئي اعارنن اسميض و شا انصو ص دايس.<sup>7</sup> وار ثجي اذ اس اغير ا بنادم نني اذ اكسي شا زي آرئي.<sup>8</sup> اقا نتا اخمي س ثنائين اذ جيفن، وار يارسي ذي مارا ابريدن نس.<sup>9</sup> ماشا جت تاومات اواضعن اذ سسمغار ذي روعرا نس<sup>10</sup> و شا وتي غار اذجا واكرا اذ اسمغار ذك وواضع نس، مينزي امشناو تاواردشت ذي رحيش اذ افنا نتا.<sup>11</sup> ثافوشت اذ تنقار س رحمو نس، اذ سشمض رحيش و شا تاواردشت اذ تيسراو و شا اذ اس اراح وازري ن ودم نس. امو ا غا افنا بو واكرا عاوذ س مارا مين غارس.<sup>12</sup> سعذ ن ورياز وتي ا غا احمرن اغكوي، مينزي مارا اذور ذ امقدچب، آرئي اذ اس اوش ثامريست ن ثودارث نئي ثوغا اواعذ زايس آرئي ا اني ث اتحسن.<sup>13</sup> وار ثجي حد اذ اني مارا اصار ذك و غكوي ”آرئي ا ذ ابي اغكوان“.<sup>14</sup> اقا آرئي وار ازمار اذ اتواغوا زي ثوعفنا و شا نتا س اخف نس وار اغكوي ورا ذ اچ.<sup>14</sup> ماشا كور اجن اذ اتواغوا مارا نشوت نس اذ ث ثوغا و شا اذ زايس اتواطف.<sup>15</sup> مارا نشوت ثكسي س و عديس، اذ ثارو دنوب و شا خمي ا غا امغار دنوب، اذ ذ ياوي زموت.<sup>16</sup> اؤمائن اعيزن، وار ثجي حد اذ كنيو اسودار.<sup>17</sup> كور اموشي اصبحان ذ كور تاموشي اكمرن ا هكوا-د زي سنج، زي ثبابات ن ثفاوين، نئي وار غار اذجي و بدر نيغ ثيري ن دوران.<sup>18</sup> اقا يچ انغ-د علا حساب ثيمخسا نس س واور ن ثيذت جيما اذ نيري ذ اچ ن ذاب ن امترا زي مارا رماخروقات نس.

## أسحذجي ذ طاعث إ واور ن أربي

<sup>19</sup>خ وُيبي، أ أوماثن إعيزن، أ ج كور بناذم أذ إقدجق جيما أذ إسر، وار تُقدجقيم شا غار واور نيغ غار ثققاحت. <sup>20</sup>مينزي ثاققاحت ن ورياز وار ذ إتيوي شا ثاسكُذا زات إ أربي. <sup>21</sup>خ وُيبي سارسم خام قاع ثاخموجي ذ واطاس ن ثوعفنا وُشا قيرم س ثمهنت أوار إ ذايوم إتوازون وني إزمارن أذ كنيو إسنجم. <sup>22</sup>ذورم ذ إني إتكن أوار، وار إدجي ذ إني إسران وها، وار شمتم إخف نوم! <sup>23</sup>مينزي مارا حد إسرا إ واور، وار ث إتكن، أفا نتا أمشناو وني إخران ذي ثيسيت ذك وُغمبوب نس إ زي ذ إخرق، <sup>24</sup>مينزي نتا إتوارا إخف نس، إروح، وُشا رخذي أذ إتو ماشش ثوغا إتواضهار. <sup>25</sup>ماشاش وني إغا إخران ذي تاوارث إكمرن ن ثيرلي وُشا أذ ذائس إطف، نتا وار إدجي أم إجن إسران رخذي إتو ذغيا، ماشاش أم إجن وني ت إتكن، أفا وانيثا أذ غارس ثيري لباراكا ذي مين إتكن. <sup>26</sup>مارا دين وُمي إغير أفا نتا إتكوذ أربي ماحند وار إتحضي إرس نس، ماشاش إخدع وُر نس، أفا دين نس باطر. <sup>27</sup>دين أمزداك نبرا رخمج قيباتش إ أربي ذ ثبات، أفا-ث ذ وا: أذ نُصوند إيوجين ذ ثيجار ذي رحصارت نسنت وُشا أذ سحيدذ إخف نك زي دُونيث نبرا رَعش.

## أك ثايري، وار ت تكم س وُذماون

**2** أ أوماثن، وار تكم س وُذماون ذي لإيمان ن يشو لمسيح، سيذي ن وُعودجي. <sup>2</sup>مينزي مارا يوذف-د غار وُسيناكوكُك نوم إج ن ورياز س ثخاذنت ن وُرع ذك وُضاض نس وُس واروض إغران وُشا يوذف-د عاوذ إج ن وُمزروض س واروض إقارصن، <sup>3</sup>وُشا أذ ثوشم ثائيت إ وني غار إدجا واروض إغران، أذ ثينيم ”قيم ذك ومشان-إصحن“، ماشاش إ وُمزروض أذ اس ثينيم ”شك بد ذيهاش!“ نيغ ”قيم أبي-د غار ثبذات ن إضارن إنو!“، <sup>4</sup>ما وار إدجي ثمصوروفم أك-ذ وين جاراوم س إغمباب وُشا ثذورم ذ إني إحكمن س إخاريصن إعقان؟ <sup>5</sup>سرم، أ أوماثن إعيزن، ما وار إحصار أربي إمرض ن دُونيث، جيما أذ تجارن س لإيمان وُشا أذ إرين ذ إوريش ن ثكذيت، ثي ثوغا إواغد زائس إ إني ث إتحسن. <sup>6</sup>ماشاش كنيو ثغطرم زك إمرض. ما وار إدجين ذ إني س واكرا ذ إني كنيو إحصارن وُذ إني كنيو إندهن غار رُفوسينا؟ <sup>7</sup>ما نيثي وار دجين ذ إني إتشقافن ذك إسم يوعران وني خام-د إتواراغان؟ <sup>8</sup>ماشاش مارا ثكمرم نيشان تاوارث إكلذن علاحساب ثيرا ”أذ ثخسد أمقارب نك أم إخف نك“، أفا ثتكم مليح، <sup>9</sup>ماشاش مارا ثكيم س وُذماون، أفا ثتكم دُوب وُشا

أذ تَوَاحِكُمْ زِي تَاوْرَاثِ أَمِ إِنِّي إِخْضَانَ. <sup>10</sup> مِينِزِي وَتِي إِضْفَارَن تَاوْرَاثِ مَارَا، مَاشَا يَارْزَا إِشْتَن نِ ثَوَصِيْثِ وَاها، أَقَا نَتَا ذِ بُو-وُمَارَوَاسِ نِ مَارَا ثِيَوْصِيَاثِ. <sup>11</sup> مِينِزِي وَتِي إِنَانَ 'وَارِ زَيِّي'؛ 'إِنَّا عَاوْذِ 'وَارِ نَقَا'؛ مَارَا وَاوَرِ ثَرِيْذِ، مَاشَا ثَنَغِيْذِ، أَقَا شَكِ ذِ أَخْطَايِ نِ تَاوْرَاثِ. <sup>12</sup> سِيوَرْمِ وُشَا كَمِ أَمِ إِنِّي إِ غَا إِتَوَاحِكَمِنِ زِي تَاوْرَاثِ نِ ثِيَرْلِي. <sup>13</sup> مِينِزِي رُحُوْكَمِ وَاوَرِ يَارْحَمِ شَا خِ وَتِي ثُوْغَا وَاوَرِ يَارْحَمِنِ. أَرْحَمْتِ أَقَا ثَغَلَّبِ خِ رُحُوْكَمِ.

### لإيمان ذ رخدايم ثيصبحانين

<sup>14</sup> أَوُمَاثَن، مَانِ رَفْضَرِ مَارَا إِجْنِ إِقَارِ 'نَشِ غَارِي لِإِيْمَانِ'، مَاشَا وَاوَرِ غَارِسِ بُو رَخْدَايِمِ؟ مَا إِزْمَارِ لِإِيْمَانِ نِيْ أَذِ ثِ إِسْنَجَمِ؟ <sup>15</sup> مَارَا إِتَخَصَّ سِ اسِ إِجِ نِ وُْمَا نِيْغِ إِ إِشْتَن نِ وُتْشَمَا مِيْنِ إِ غَا يَارَضِنِ نِيْغِ مِيْنِ إِ غَا شَنِ كُورِ أَسِ <sup>16</sup> وُشَا إِجْنِ زَايَوْمِ إِنَّا اسِنِ "وُيُورْتِ ذِي رَهْنَا، أَرْضَتْ مِيْنِ إِسْحَمَانِ، جِيُونَتْ مَاشَا!" مَاشَا وَاوَرِ دِ اسِنِ ثُوْشِيْمِ وَالْوَمِيْنِ إِتَخَصَّانِ إِ أَرِيْمْتِ، مَانِ نَفَاعِ؟ <sup>17</sup> أَقَا أُمُوْ وُرَا ذِ لِإِيْمَانِ. مَارَا وَاوَرِ زَايِسِ تَكْتِ شَا رَخْدَايِمِ، أَقَا إِمُوْثِ سِ إِخْفِ نَسِ. <sup>18</sup> مَاشَا أَذِ إِكَارِ إِجْنِ أَذِ يِيْنِي "شَكِ غَارِكِ لِإِيْمَانِ، نَشِ غَارِي رَخْدَايِمِ". سَشْنِ أَيِي لِإِيْمَانِ نَكِ نَبْرَا رَخْدَايِمِ وُشَا نَشِ أَذِ اشِ سَشْنِغِ لِإِيْمَانِ إِئُوْ زِي رَخْدَايِمِ إِئُو. <sup>19</sup> مَا شَكِ ثُوْمُنْذِ بَلِيْ أَرِيْ ذِ إِجْنِ؟ أَقَا ثَكِيْذِ مَلِيْحِ، مَاشَا وُرَا ذِ سُوَاطِنِ وُْمُنِ ذِي مَانِ أَيَا وُشَا تَارْجِيْجِنِ. <sup>20</sup> مَا ثَخَسْذِ أَذِ ثَسْئَنْذِ، أَ بِنَاذِمِ أَفْعُوْرِ، بَلِيْ لِإِيْمَانِ نَبْرَا رَخْدَايِمِ إِمُوْثِ؟ <sup>21</sup> مَا وَاوَرِ إِتِيْرِي جَدِيْشْنِغِ إِبْرَاهِيْمِ إِتَوَاسَكْذِ زِي رَخْدَايِمِ وُْمِيْ إِكَارِ أَذِ إِغْرَاصِ إِ مِيْسِ إِسْحَاقِ خِ وُعَاظَارِ؟ <sup>22</sup> أَقَا ثَزْرِيْمِ بَلِيْ لِإِيْمَانِ ثُوْغَا إِخْذِمِ أَكْ-ذِ رَخْدَايِمِ نَسِ وُشَا لِإِيْمَانِ إِتَوَاكَمْرِ زِي رَخْدَايِمِ. <sup>23</sup> أَقَا إِتَوَاكَمْرْتِ ثِيْرَا، قَارَنْتِ "إِبْرَاهِيْمِ يُومِنِ ذِي أَرِيْ وُشَا إِتَوَاحَسِبِ أَسِ-ذِ ذِ ثَاَسَكْذَا" وُشَا قَارَنْتِ اسِ "أَمْدُوْكَرِ نِ أَرِيْ". <sup>24</sup> كَنْبِيُوْ ثُوْوَارَامِ بَلِيْ بِنَاذِمِ إِتَوَاسَكْذِ زِي رَخْدَايِمِ، وَاوَرِ إِدْجِيْ زِي لِإِيْمَانِ وَاها. <sup>25</sup> مَا وَاوَرِ ثُوْغِي رَاْحَابِ، رَقْحَبَا، ثُوْوَاَسَكْذِ زِي رَخْدَايِمِ وُْمِيْ ثَارْحَبِ زَكِ إِمَازَانِ وُشَا ثُسُوْفَعِ إِثْنِ زَكِ وَبْرِيْذِ نَضْنِيْ؟ <sup>26</sup> مِينِزِي أَمَشْنَاوِ أَرِيْمْتِ نَبْرَا أَرْوَحِ ثُمُوْثِ، أُمُوْ وُرَا ذِ لِإِيْمَانِ نَبْرَا رَخْدَايِمِ إِمُوْثِ.

### إرس ن بناذم

3 <sup>1</sup> وَاوَرِ تَجِيْمِ أَطَاسِ زَايَوْمِ أَذِ ذُوْرِنِ ذِ إِمْسَرْمَاذِنِ، أَوُمَاثَن، أَقَا كَنْبِيُوْ نَسْنَمِ بَلِيْ إِكُوْرِ أَذِ نَكْسِي رُحُوْكَمِ أَمْقَرَانِ. <sup>2</sup> مِينِزِي مَارَا نَشْنِيْنِ نَنْذَرْفِ ذَكِ وَطَاسِ. وَتِي وَاوَرِ إِنْذَرْفِنِ ذَكِ وَاوَارِ، أَقَا نَتَا ذِ بِنَاذِمِ إِكَمْرِ، إِزْمَارِ أَذِ إِقْمَعِ مَارَا أَرِيْمْتِ نَسِ. <sup>3</sup> مَارَا نَتَكْ سَرِيْمَاثِ

ذڪَ اِقْمُومَن ن اِيسان جِيما اذ انغ كُن اَرَاي، اَقَا نَزْمَار اذ زَايسن نَسُوِيور اَرِيْمَت اَمُون. <sup>4</sup> خزارم عاوذ غار اِغَارُوبا، واخا نِيئِيي ذ اِمقرانن وُشا اِعارن اِثن وُسمِيض اِجهدن، قاع اَمِي وِي اِنْدَهْن اِسْكُور اِث ماني اِحْس نَتَا س اِج ن رُكِيْدُون اَمْرِيان. <sup>5</sup> اَمُو وُرا ذ اِرس، اَقَا-ث ذ اِج ن اِخف اَمْرِيان، ماشا رَفْشاخ نَس ذ ثامقرانت. خزارم مامش تِيْمَسِي نامزيانت اذ نَسْشَمِض رُغابث ثامقرانت. <sup>6</sup> وُرا ذ اِرس ذ اِشْت ن تُمَسِي، اَقَا-ث ذ دُونِيْت ن مِين وار اِسْكُذْن. اِرس جار اِخفاون نَغ اَم اِشْت ن رُحاجث تَسْخَمج اَرِيْمَت مارا، اِسارغ اذوار ن طَبِيْعَت وُشا اِثواسارغ نَتَا س يِخف نَس زِي تُمَسِي ن جاهناتا. <sup>7</sup> مِينِزِي مارا ذَاْب ن لَحايوااناث ذ اِجْضاض ذ لَحايوااناث اِنِي اِثْبوعن خ ثَمُورث ذ اِمُودارن ن رُبحار اذ تَواقَمَعن نِيغ تَواقَمَعن زِي بِنادم. <sup>8</sup> ماشا اِرس وار اِزْمَار اذ اِث اِسْتَمَع وُرا ذ اِج ن بِنادم. اَقَا-ث ذ اِج ن رَهوَر ذ اَعْمَان وار اِزْمَار اذ اِثَواقَمَع، اَقَا اِشُور س سَم اِنَقْن. <sup>9</sup> زَايسن نَسْعُودْچا اَرِيي ثاباباَث وُشا زَايس نَعْر خ اِودان اِنِي اِثَواكُن ذِي صِيْفَت ن اَرِيي. <sup>10</sup> اَقَا ذِك اِج ن وُفُومُ تَنفَع-د لَباراكا ذ نَعْرث. اُ اَوماثن، مان اَيَا وار اِتِيرِي اَمُو! <sup>11</sup> ما زَعْمَا رَعُونصار اذ اِسُوفُوغ زِك اِشْت ن ثاريا اَمَان ذ اِمِيَزِيْدن ذ واماَن ذ اِمَارزاكُن؟ <sup>12</sup> اُ اَوماثن، ما اِزْمَار وارثُو اذ اِوش زِيْثُون نِيغ ثَريارث رُباشُور؟ اَمُو وُرا ذ رَعُونصار وار اِزْمَار اذ زَايس-د كَن واماَن اِمْدْچا حن ذ اِنِي اِمِيَزِيْدن.

### ثِيغِيْث زِي سَنَج ذ ثِيغِيْث زِي ثَمُورث

<sup>13</sup> وِي زَايوم اِدْچان ذ اَمِيغِيْس وُ س رَعقر؟ اذ اِسْشَن وَاينِثا رَحْدايِم نَس زِي ثِيْشِرِي اِصْبَحن نَس س ثِيغِيْث اَك-ذ ثَمُهِنْت. <sup>14</sup> ماشا مارا وُر نَوْم س رَحْسَد اَمَارزاك ذ وُمشُوبِش، وار ثَمِيْشَم وُرا وار تَسْخارِيَقَم شا خ ثِيذْت! <sup>15</sup> اِثانِيْثا وار ثُدْجِي ذ ثِيغِيْث اِ د يُوْسِيْن زِي سَنَج، اَقَا-ت زِي ثَمُورث، زِي بِنادم ن طَبِيْعَت، اَقَا زِك اِبرِيْس، <sup>16</sup> مِينِزِي ماني اِدْچا رَحْسَد ذ وُمشُوبِش، اَقَا ذِيْن اِخارُويْضن ذ مارا رَحْدايِم ثِيْعَفَانِيْن. <sup>17</sup> ماشا ثِيغِيْث زِي سَنَج اَمُورار نَس ذ ثارذُوكِي، حَنِي ذايِس رَهْنا ذ رَضرافْت، ثَتْكَ اَرَاي، ثُشور س اَرَحْمْت ذ رُغِيْدْجْت اِصْبَحن، وار ثَتْكَ شا س وُدْماون وُشا وار ذايِس بُو نِيْفاق. <sup>18</sup> اَقَا رُغِيْدْجْت ن ثَسْكَذا ثَنَوازَارَع ذِي رَهْنا اِنِي اِتْكَن رَهْنا.

## سواضعم إخف نوم إرربي

4 ماينس د إكا ومنيغ د إمشوبشن جاراوم؟ ما زعما زك شهوات إ امنيغ ذك  
 إغزديسن نوم؟<sup>2</sup> كنيو ثمزرم ماشا كنيو وار غاروم والو. كنيو ثنقم و ثناسم  
 و شافاع امني وار د اوم اتيكويض والو. كنيو ثمشووشوم و ثمنغام، ماشا وار غاروم  
 والو، مينزي كنيو وار ثترادجيم إرربي.<sup>3</sup> نيغ كنيو ثنارام، ماشا وار ثكسيسم شا، مينزي  
 ثنارم مين وار احرين جيما اذ ثنكم غار شهوات نوم.<sup>4</sup> كنيو اني ازنان ذ كنيبت نني  
 ازنان، ما وار ثسينم شا بلي ثادوكري اك-ذ دوث اقات ذ رعداوث خ ارربي؟ احقا  
 وني اتيخن اذ ييري ذ امدوكرن دوث، اذ اذور ذ رعذون ارربي.<sup>5</sup> نيغ اتيغير اوم بلي  
 ثيرا قارنت باطر ”اروح وني اذ اينيغ اذغن، اوحش اث س رخسد“<sup>6</sup> ماشا ننا اتيش  
 نيعم ثامقرانت س واطاس. خ ويني اذليس اقرار ”ارربي اتمعارا اك-ذ امعفان، ماشا  
 ا امواضعن اتيش اسن نيعم.“<sup>7</sup> خ ويني وشم اخف نوم ارربي، معارام اك-ذ ايريس  
 و شافاع ننا اذ زانوم يارور.<sup>8</sup> اذسم ارربي و شافاع ننا اذ كنيو-د يادس. سيردم افاسن نوم، ا  
 اذناب، سيزدكم وراون نوم، ا كنيو، اني غار اذجا ثنان ن اذجيفن.<sup>9</sup> سحيسفم،  
 شضم، روم، اقا ثاضحاشث نوم اذ ثذور ذ اشضان و رفراحت نوم اذ ثذور ذ رخن.  
<sup>10</sup> سواضعم زاث ا ارربي و شافاع ننا اذ كنيو اسعودج. ا اومانن، وار ثشفاف شا ذك  
 و اياويا! وني اشفافن ذك و ماس نيغ احكم خ و ماس، اقا و ايشفاف ذي تاوارث و شافاع  
 احكم خاس. و شافاع مارا ثحكمد خ تاوارث، اقا وار ثذجيد شا ذ وني اتيكن تاوارث،  
 ماشا ثاريد اخف نك ذ رفاضي ن تاوارث.<sup>12</sup> اجن واه ا اذجان ذ باب ن تاوارث،  
 ننا ذ وني غار ثذجا ثمار جيما اذ اسنجم نيغ اذ ياريب. ماشا مين ثعيذ شك و مي  
 ثحكمد خ ونضي؟<sup>13</sup> خني كنيو اني اقرار ”اس-ا نيغ ثيوشا اذ نراح غار ثذنيث-ا  
 غار ثذنيث-ين، اذ ذين نقيم اسكواس امون، اذ نسغ اذ نزنز اذ ناربح“،<sup>14</sup> كنيو اني  
 وار اسينن مامش ا غا ثيري ثوذارث نوم ثيوشا، مينزي نثا ا مشناو اج ن رفوار اذ ذ  
 اكاغذ و شافاع اذ ثفسي رخذني،<sup>15</sup> حسن اذ ثينيم ”مارا اخس ارربي، اذ ندار، اذ نك ثا  
 ذ ثين.“<sup>16</sup> اوا كنيو ثثفيسم رخو ذك و عفار نوم، ماشا قاع افيش-ا ذ اعقان.<sup>17</sup> وني  
 اسنن اذ اكي رخار و شافاع وارث اتيك، اذ اس-د اناوحسب ذ دانب.

## اَعْرَامِ اِئْتِبابِ نِ وَاكْرَا

5 اِوَا كَنْبِو، اَ اَيْتِبابِ نِ وَاكْرَا، سَجِيسْفَم، رُومِ اِ اِفْقُوْصِنِ اِ كَنْبِو اِ تْرَا جَان. 2 اَكْرَا  
نوم اَقَا اِغُوْمَ، اَرُوْضِ نُوْمِ اَذِ ثِ شَنْ ثَشِينِدا، دُوْرُغِ ذِ نُوْفَارِثِ نُوْمِ اَقَا اَرِشَانِ وُشَا  
اَرِشِي نَسِنِ اَذِ خَاوَمِ ثَشَهْدِ، اَذِ اِشْنِ اَيْسُوْمِ نُوْمِ اَمِ ثَمْسِي، اَقَا كَنْبِو نِيْرُوْمِ رِكْنُوْزِ ذِكْ  
وَسَانِ اِنْكُورَا. 4 خَزَارَمِ، اَقَا رُموْثِ نِ اِخْمَاسِنِ ثَنِي تَسْعِيْزِمِ خِ اِنِّي اِمَجَارِنِ اِيَارِنِ نُوْمِ  
تَسْعُوْبُو وُشَا نَعُوْبِيْتِ نِ اِنِّي اِمَجَارِنِ ثِيُوْضِ اَس-دِ اَرِ اِمَزُوْعِنِ نِ اَرَبِّي نِ رَعْسَكَرِ نِ  
وَجْنَا. 5 اَقَا كَنْبِو نِدَارَمِ خِ ثُمُوْرثِ سِ وُفُوْهَارِثِ، ثَضْفَارَمِ مَزْرِي نُوْمِ وُشَا ذِكْ وَاَسْ  
نِ ثَعَارِصِيْثِ ثَذَهْمِ وُراوِنِ نُوْمِ. 6 اَقَا كَنْبِو ثَحْكَمِ خِ وُْمَسْكَاَذِ، وَاهِ ثَنْغِيْمِ ثِ وُشَا  
نَتَا وَاَرِ غَارَسِ بُو ثَرْمَارِ.

## صَبَارِ ذِي تَامَارَا وُ ذِكْ وُودَبِ

7 اَ اُوْمَاثِنِ، صَبَارَمِ اَرِ اِ دِ غَا يَاسِ سِيْذِي! خَزَارَمِ، مَامَشِ اِ تْرَا جَا وُفَدِچَا حِ غَارِ رُغِيْدِچِثِ  
اِغْرَانِ نِ ثُمُوْرثِ، اِصْبَارِ سِ رُخَاضَارِ اَرِ خَاسِ اِوْثِ وِزَارِ نِ زِيْشِ ذِ وُنْكَارِ. 8 وُرا ذِ  
كَنْبِو، صَبَارَمِ اَذِ ذَايُوْمِ يِيْرِي وُرِ، اَقَا ثُوَاسِيْثِ نِ اَرَبِّي ثُوْدَسِ-دِ. 9 اَ اُوْمَاثِنِ، وَاَرِ ثَضُوْضَمِ  
خِ وَايَاوِيَا، جِيْمَا وَاَرِ غَارُوْمِ-دِ اِ تِيْكَوِيْضِ رُحُوْكَمِ، اَقَا ذَا، رُقَاضِي اِبْدِ غَارِ ثُوَارِثِ.  
10 اَ اُوْمَاثِنِ، مَقُوْدَمِ اَكْ-ذِ وُودَبِ ذِ تَاسِيْعِ نِ رُخَاضَارِ نِ اِمْكَاشَانِ، اِنِّي ثُوْغَا اِسِيُوْرِنِ  
سِ اِسْمِ نِ اَرَبِّي. 11 خَزَارَمِ، نَحْسَبِ اِنِّي اِصْبَارِنِ ذِ سَعْدِ. اَقَا كَنْبِو ثَسْرَامِ خِ صَبَارِ  
نِ اَيُوْبِ وُشَا ثَسْمِ زَنْگِ وُنْكَارِ اِ اِكْا اَرَبِّي، بَلِي اَرَبِّي ذِ اَرَجِيْمِ ذِ اَحْنِيْنِ. 12 اِمَزُوَارُو  
نِ مَارَا، اَ اُوْمَاثِنِ، وَاَرِ ثَجَادِچَامِ شَا، وُرا غَارِ وُجْنَا وُرا غَارِ ثُمُوْرثِ نِيْغِ وُرا ذِ اِشْتِ  
نِ ثَجَادِجِيْثِ نَضِيْنِي. اَذِ غَارُوْمِ يِيْرِي 'واهِ' نُوْمِ ذِ 'واهِ'، 'لَا'، ذِ 'لَا'، نِيْغِ اَقَا اَذِ ثِيْرِيْمِ  
سَاذُو رُحُوْكَمِ.

## تَاَزَاذِجِيْثِ سِ لَإِيْمَانِ

13 مَارَا ذِيْنِ شَانِ اِچْنِ جَارُوْمِ اِوْدَبِ، اَذِ اِتَارِ. مَارَا ذِيْنِ شَانِ اِچْنِ اِفَارْحِ، اَذِ اِغْتِجِ  
اِزْرَانِ نِ وُقَاذِي. 14 مَارَا ذِيْنِ جَارُوْمِ حِدِ اِهْرَشِ، اَذِ دِ اِرَاغَا خِ اِمْغَارِنِ نِ ثَمْسُوْمُنْتِ  
جِيْمَا اَذِ اِسِ كَسِيْمِنِ رَمْعُوْفِ، اَذِ ثِ رَثْنِ سِ زَشْتِ سِ اِسْمِ نِ اَرَبِّي. 15 تَاَزَاذِجِيْثِ  
اِ دِ اِكْيِنِ زِي لَإِيْمَانِ اَذِ ثَسْنِجَمِ اَمْهَرُوْشِ وُشَا اَرَبِّي اَذِ ثِ اِسْنِكَارِ. وُشَا مَارَا ثُوْغَا  
اِتْكَگِ ذَنْوْبِ، اَذِ اِسِ اِتُوَاغْفَارِ. 16 نَعْمِ ذَنْوْبِ نُوْمِ وُ تَزُوْدِچَمِ خِ وَايَاوِيَا، جِيْمَا اَذِ  
ثَنُوَاْسِ كَنْفَامِ. اَقَا تَاَزَاذِجِيْثِ نِ وُْمَسْكَاَذِ اِتْفَارَا اَطَاسِ. 17 اِيلِيَا ثُوْغَا ذِ بِنَاذِمِ اَمِ نَشِيْنِ،

وُشا اِزُوڊچ جِيما وار اِشِيث ونزار، خَنِي اَنْزار وار اِوِثِي شاخ ثُمورث نَرانا ن اِسكُوسا  
 ذ سَتا ن اِيورن. <sup>18</sup> وُشا نُوغا اِزُوڊچ اِشْت ن ثَوارا تَضَنِيث، رَخَدَنِي اَجَنّا اِوِثا اَنْزار وُشا  
 ثامورث ثوشا صابث نَس. <sup>19</sup> اُومائِن، مارا ذين حد جاراوم اِفَع زِي ثِيذت وُشا شا  
 ن اِجَن يارّ اِث-يِد غار وِبرِيذ، <sup>20</sup> اَذ اِسِن وانِيثا، وِني اِ د غا يارِن اَمذَنوب زَنگ وُودار  
 نَس، اَذ اِسَنجَم رَعمار نَس زِي رَموُث وُشا اَذ اِسَدورِي اَطاس ن دَنوب.